



Moderator, pengarah program bersama ahli-ahli panel di akhir Forum Anti Dadah

KENALI DAN HINDARI

Oleh: Noorshazieana Iliani Hazleen

SERDANG, 30 JAN – Sekretariat Kerohanian, Kebajikan dan Keselamatan (3K) Kolej Tun Dr Ismail telah menganjurkan program *Forum Anti-Dadah: Kenali dan Hindari* di laman YouTube Kolej Tun Dr Ismail dan telah berjaya menarik seramai 600 lebih orang pelajar UPM terutamanya untuk menonton secara langsung pada malam tersebut.

Forum yang dikendalikan oleh Nurul Izzah dan Alya Nasuha sebagai moderator bersama dua orang panel jemputan ini telah mendapat sambutan yang amat menggalakkan daripada warga UPM khususnya warga kolej dimana pelbagai soalan yang telah diajukan kepada panel jemputan iaitu Dr. Muhammad Asyraf Che Amat yang merupakan Pensyarah, Jabatan Pendidikan Kaunselor dan Psikologi Kaunseling, UPM dan Encik Mohd Farid Bin Mohamad Japeri yang merupakan Penolong Pengarah kanan Bahagian Rawatan dan Pemulihan, AADK IBU PEJABAT.

Dr. Muhammad Asyraf berkata, “trend dadah berbeza dengan zaman dahulu. Pada zaman dulu, ramai yang ambil dadah secara tradisional seperti heroin yang suntik ataupun hisap, sekarang ramai yang guna dadah sintetik seperti syabu yang asasnya adalah Methamphetamine yang boleh memaksa otak merangsang hormon Dopamine (Hormon gembira) secara berlebihan menyebabkan mereka berperangai gembira yang melampau dan ketagihan”.

Encik Mohd Farid pula berkata, “secara umumnya, ada dua kaedah untuk membantu para penagih. Yang pertama melalui perubatan seperti program Methadone yang bantu dari segi biologi dan yang kedua adalah atas pemulihan, psikososial program yang bantu pulihkan sosial, spiritual, psikologi dan biologi. Sebenarnya mereka ialah seorang pesakit bukannya penjenayah dan tanggungjawab kita untuk membantu mereka agar rawatan dapat dijalankan secara menyeluruh. Pusat pemulihan adalah satu tempat yang dapat membantu dalaman dan luaran mereka”.

Pengarah program Forum Anti-Dadah:Kenali dan Hindari mengucapkan ribuan terima kasih kepada Presiden Kolej, Pegawai Pemantau dan para panel yang telah menjayakan program tersebut bersama-sama tanpa sebarang permasalahan.

Maka, tercapailah objektif program ini iaitu untuk meningkatkan pengetahuan dan kesedaran dalam diri mahasiswa kolej terhadap kesan buruk dadah dan dapat mengukuhkan kemahiran diri untuk mengelakkan diri daripada terjebak dalam kancang penyalahgunaan dadah serta dapat membentuk peribadi sebagai mahasiswa Berjaya yang berupaya menjauhkan diri daripada dadah.

Moderator menutup program dengan ucapan terima kasih serta menasihatkan semua untuk *Stay Safe* sepanjang Pandemik Covid-19.